



ja'te t'ule sok ja'te choje

ay jun t'ul. ay ta sna ta
ak. yo'tik, šchi, ma' yuk jtak'in,
pero ya wan jpas lot, šchi. ya
š ba jchon išim. ya wan sman išim
ja'te choje, šchi.

jich tal t'ul ta ba ay ja'te
choje. tat, šchi, ya bal ak'an
išim. yak wan, šchi ja'te choje,
ya wan jman. bin stojol, šchi.
jo'eb pesu, šchi ja'te t'ule. lek
ay, ya jman ja'te išime, šchi ja'te
choje, pero ich'a talel ta ora.
yak, šchi ja'te t'ule, pero ya jk'an
stojol išim ta ora. patil ya š
tal ja'te išime. patil wan, šchi
ja'te choje. pero ma jk'an mach'a



ya spas lot, šchi. ma' jpas lot
jo'on, šchi ja'te t'ule, ora ya š
tal ja'te išime. jich wan, šchi
ja'te choje. ich'a tak'in jiche,
šchi. ich'a talel ja'te išime
pajel, šchi. yak, ya š tal pajel,
šchi ja'te t'ule.

jul ta sna ja'te t'ule. ay
iš jtak'in, šchi ta yo'tan. jo'eb
pesu lok' stojol ja'te išime. pero
pajel ma' ba ayon ta jna bin ora ya
š tal mach'a la sman ja'te išime.
ya š bon ta namal, šchi ta yo'tan,
yu'un la jpas lot.

 ta yan k'ajk'al lok' t'ul ta
sna ta ak. och ta ch'en ta ti'
ja' tey jil ta yut ch'en. k'aš
k'ajk'al. ma ba chikan t'ul. la
wan spas lot ja'te t'ule, šchi choj
ta yo'tan. ja' yu'un ba sle ja'te
t'ule. jul ta sna t'ul. ban ay
ja'te t'ule, šchi. ma jna', šchi
ja'te yijnam t'ule, ma' ba nakal,
šchi. och wan ta ch'en, šchi ta
yo'tan ja'te mach'a ay sbet soke.



Jul choj ta ti' muk' ja'. tey
ay t'uł ta yut ch'en. och smil
ja'te t'uł ta ora ja'te choje.
jich laj ja'te mach'a la spas lot,
cham ta ora.

